



蘇文忠公集卷第三十六

律詩一百八十二首

鄮塢

衣中甲厚行何懼塢裏金多退足憑畢竟英雄誰得似  
臍脂自照不須燈

九月中曾題二小詩於南溪竹上既而忘之  
昨日再遊見而錄之

湖上蕭蕭疎雨過山頭靄靄暮雲橫陂塘水落荷將  
盡城市人歸虎欲行  
誰謂江湖居而為虎豹宅焚山豈不能愛此千竿碧



濠州七絕

塗山下有蘇廟山前有禹會村

川鎖支祁水尚渾。地理汪罔骨應存。樵蘇山人黃熊

廟。烏鵲猶朝禹會村。

彭祖廟有雲母山云彭祖所採服也

跨歷商周看盛衰。欲將齒髮鬪蛇龜。空餐雲母連山

盡不見蟠桃著子時。

逍遙臺莊子祠堂在開元寺即墓為臺

常恠劉伶死便埋。豈伊忘死未忘骸。烏鳶奪得與螻

蟻。誰信先生無此懷。

觀魚臺

欲將同異較錨銖。肝膽猶能楚越如。若信萬殊歸一

理。子今知我我知魚。

虞姬墓

帳下佳人拭淚痕。門前壯士氣如雲。蒼皇不負君王

意。只有虞姬與鄭君。

四望亭大和中刺史劉嗣之立李紳以太和中刺東都過濠為作記今

存而亭廢者十年矣

頽垣破礎沒柴荆。故老猶言短李亭。敢請使君重起

廢落霞孤鶩換新銘。

浮山洞

洞在淮上夏潦不能及而冬不加高故人疑其浮也

人言洞府是鼇宮升降隨波與海通共坐船中那得見乾坤浮水水浮空

初到杭州寄子由二絕

眼看時事力難任貪戀君恩退未能遲鈍終須投劾去使君何日換龔丞

聖明寬大許全身衰病摧頽自畏人莫上岡頭苦相

望吾方祭竈請比鄰

吉祥寺賞牡丹

人老簪花不自羞花應羞上老人頭醉歸扶路人應

笑十里珠簾半上鉤

吉祥寺僧求閣名

過眼榮枯電與風久長那得似花紅上人宴坐觀空閣觀色觀空色即空

六月二十七日望湖樓醉書五首

黑雲翻墨未遮山白雨跳珠亂入船卷地風來忽吹散望湖樓下水如天

放生魚鼈逐人來無主荷花到處開水枕能令山俯仰風船解與月徘徊

烏菱白芡不論錢亂繫青菰裹綠盤忽憶嘗新會靈

觀滯留江海得加餐

獻花遊女木蘭橈細雨斜風濕翠翹無限芳洲生杜

若吳兒不識楚詞招

未成小隱聊中隱可得長閑勝暫閑我本無家更安

往故鄉無此好湖山

沈諫議召遊湖不赴明日得雙蓮於北山下

作一絕持獻沈既見和又作一首因用其韻

湖上崇陰手自栽問公更得幾回來水仙亦恐公歸

去故遣雙蓮一夜開

詔書行捧綬金戔樂府應歌相府蓮只恐莫一作今年

花發處西湖西畔北山前

望海樓二首

樓下誰家燒夜香玉笙哀怨弄初涼臨風有客吟秋

扇拜月無人見晚粧

沙河燈焰一作照山紅歌鼓喧呼語笑中為問少年

心在否角巾歌側鬢如蓬

望海樓晚景三絕

海上濤頭一線來樓前指顧雪成堆從今潮上君須

上更看銀山二十回

橫風吹雨入樓斜壯觀應須好句誇雨過潮平江海

碧電光時掣紫金蛇

青山斷處塔層層  
隔岸人家喚欲應  
江上秋風晚來急  
為傳鍾鼓到西興

八月十七日復登望海樓自和前篇是日勝

出余與試官五人復留五首

樓上煙雲恠不來  
樓前飛紙落成堆  
非關文字須重看  
却被江山未放回

眼昏燭暗細行斜  
考閱精強外已誇  
明日失杯君莫恠  
早知安足不成蛇

亂山遮繞曉一作擁千層  
睡美初涼撼不應  
言昨夜酒行

君屢歎定知歸夢到吳興

天台桂子為誰香  
倦聽空階夜點涼  
賴有明朝看潮在  
萬人空巷鬪新粧

秋花不見眼花紅  
身在孤舟兀兀中  
細雨作寒知有意  
未教金菊出蒿蓬

和陳述古拒霜花

千林掃作一番黃  
只有芙蓉獨自芳  
喚作拒霜知未稱  
細思却是最宜霜

和沈立之留別二首

而今父老千行淚  
一似當時初去時  
不用鐫碑頌遺

愛文人清德畏人知

卧聞鏡鼓送歸艎夢裏忽忽共一鷓試問別來愁幾

許春江萬斛苦為量夫將餘在江陵

### 鹽官四絕句

#### 南寺千佛閣

古邑居民半海濤師來構築便能高千金用盡身無事坐看香煙透白毫

北寺悟空禪師塔略齊安宣宗微時知其非凡人也

已將世界等微塵三裏浮花夢裏身豈為龍顏更分別只應天眼識天

#### 塔前古檜

當年雙檜是雙童相對無言老更恭庭雪到腰埋不死如今化作兩蒼龍

僧爽白鷄卷之二十餘年常立坐側聽經

斷尾雄鷄本畏烹年來聽法伴修行還須却置蓮花漏老怯風霜恐不鳴

#### 六和寺冲師闡山溪為水軒

欲放清溪自在流忍教冰雪落沙洲出山定被江潮漩能為山僧更少留

#### 冬至日獨遊吉祥寺

井底微陽回未回蕭蕭寒雨濕枯萋何人更似蘇夫子不是花時肯獨來

後十餘日復至

東君意淺著寒梅千朵深紅未暇裁安得道人殷七七不論時節遣花開

戲贈

惆悵沙河十里春一番花老一番新小樓依舊斜陽裏不見樓中垂手人

和人求筆跡

角一作光鋪几淨無瑕入夜青燈照眼花從此剗蓬

真可吊半紆春蚓縮秋蛇

贈莘老七絕

嗟余與子久離群耳冷心灰百不聞若對青山談世事當須舉白便浮君

天日山前綠浸裾碧瀾堂下看嘶艦作堤捍水非吾事閑送茗溪入太湖

夜來雨洗碧嶺坑浪湧雲屯遠郭寒聞有弁山何處是為君四面竟來看

夜橋燈火照溪明欲放扁舟取次行暫借官奴遣吹笛明朝新月到三更



三年京國厭藜蒿長羨淮魚壓楚糟今日駱駝橋下  
泊恣看脩網出銀刀

烏程霜稻龍人香釀作春風雲水光時復中之徐邈  
聖無多酌我次公狂

去年臆日訪孤山曾借僧窻半日閑不為思歸對妻  
子道人約徑須還

王復秀才所居雙檜二首

吳王池館徧重城一作草幽花不記名青蓋一歸  
無覓處只留雙檜待昇平

凜然相對敢相欺直幹凌空未要奇根到九泉無曲

處世間唯有蟄龍知

上元過祥符寺僧可久房蕭然無燈火

門前歌鼓鬪分朋一室清風冷欲冰不把瑠璃閑照  
佛始知無盡本無燈

飲湖上初晴後雨二首

朝曦迎客艷重岡晚雨留人入醉鄉此意自佳君不  
會一杯當屬水仙王湖上有水仙王廟

水光瀲灩晴方好山色空濛雨亦奇欲把西湖比西  
子淡粧濃抹總相宜

富陽妙庭觀董雙成故宅發地得丹鼎覆以

銅盤承以琉璃盆盆既破碎丹亦為人爭奪  
持去今獨盤鼎在耳二首

人去山空鶴不歸丹亡鼎在世徒悲可憐九轉功成  
後却把飛昇乞內芝

琉璃擊碎走金丹無復神光發舊壇時有世人來舐  
鼎欲隨鷄犬事劉安

山村五絕

竹籬茅屋趁溪斜春入山村處處花無象太平還有  
象孤煙起處是人家

煙雨濛濛鷄犬聲有生何處不安生但教一作黃犢

無人佩布穀何勞也勸耕

老翁七十自腰鐮慙愧春山笋蕨甜豈是聞韶解忘  
味爾來三月食無鹽

杖藜裹飯去匆匆過眼青錢轉手空贏得兒童語音  
好一年強半在城中

竊祿忘歸我自羞豐年底事汝憂公恐不須更待飛鷺  
墮方念平生馬少游

贈別

青鳥銜巾久欲飛黃鶯別主更悲啼卽慙勤心莫忘分携  
處湖水東邊鳳嶺西

次韻代留別

絳蠟燒殘玉笋飛，離歌唱徹萬行啼。  
他年一舸鳴夷去，應記儂家舊姓西。

吉祥花將落而述古不至

今歲東風巧剪裁，含情只待使君來。  
不對花無信，花應恨直恐明年便不開。

述古聞之明日即來坐上，仍用前韻同賦

仙衣不用剪刀裁，國色初酣一作含。  
酒來太守問花，花有語為君零落為君開。

寶山晝睡

七尺頑軀走世塵，十圍便腹貯天<sub>亡</sub>具。  
此中空洞渾無物，何止容君數百人。

席上代人贈別二首

淒音怨亂不成歌，縱使重來奈老何。  
淚眼無窮似梅雨，一番勻了一番多。

天上麒麟豈混塵，籠中翡翠不由身。  
那知昨夜香閨裏，更有偷啼暗別人。

唐道人言天目山上俯視雷雨每大雷電但

聞雲中如嬰兒聲，殊不聞雷震也。

已外浮名更外身，區區雷電若為神。  
山頭只作嬰兒

看無限人間失筋人

追和子由去歲試舉人洛下所寄詩五首

暴雨初晴樓上晚景

秋後風光雨後山滿城流水碧潺潺  
瀟瀟煙雲好處無多  
子及取昏鴉未到間

浴邑從來天地中嵩高蒼翠北邙紅  
風流耆舊消磨

盡只有青山對病翁

謂富公也

白汗翻漿午景前雨餘風物便蕭然  
應傾半熟鵝黃  
酒照見新晴水碧天

疾雷破屋雨翻河一掃清風未覺多  
應似畫師吳道

子高堂巨壁寫降魔

客路三年不見山上樓相對夢魂間  
明朝却踏紅塵  
去羞向清伊照病顏

佛日山榮長老方丈五絕

陶令思歸久未成遠公不出但聞名  
山中只有蒼髯  
叟數里清風

蕭蕭管送迎

千株玉梨攬雲立一穗珠旒落鏡寒  
何處霜眉碧眼  
客結為三友冷相看

東麓雲根露角牙細泉幽咽走金沙  
不堪土肉埋山  
骨未放蒼龍浴渥洼

食罷茶甌未要深清風一榻抵千金腹搖鼻息庭花落還盡平生未足心

日射回廊午枕明水沉銷盡碧煙橫山人睡覺無人見只有飛蚊遶鬢鳴

八月十五日看潮五絕

定知玉兔十分圓已作霜風九月寒寄語重門休上鑰夜潮留向月中看

萬人鼓噪懾吳儂猶似浮江老阿童欲識潮頭高幾許越山渾在浪花中

江邊身世兩悠悠久與滄波共白頭造物亦知人易

老故教江水更西流

吳兒生長狎濤淵冒利輕生不自憐東海若知明主

意應教斥鹵變桑田是時新有白禁拜潮

江神河伯兩醯鷄海若東來氣吐霓安得夫差水犀

手三千強兮射潮低吳越王常以弓弩射潮頭與海神戰自爾水不近城

臨安三絕

將軍樹

阿堅澤畔孤蒲節玄德墻頭羽葆桑不會世間閑草木與人何事管興亡

錦谿

楚人休笑沐猴冠越俗徒誇翁子賢五百年間異人  
出盡將錦綉裏山川

石照

山鷄舞破半岩雲菱葉開殘野水春應笑武都山下  
土枉教明月殉佳人

陌上花三首

遊九仙山聞里中兒歌陌上花父老云吳越王妃  
每歲春必歸臨安王以書遺妃曰陌上花開可緩  
緩歸矣吳人用其語為歌含思宛轉聽之凄然而  
其詞鄙野為易之云

陌上花開蝴蝶飛江山猶是昔人非遺民幾度垂垂  
老遊女長歌緩緩歸  
陌上山花無數開路人爭看翠輦來若為留得堂堂  
去且更從教緩緩迴  
生前富貴草頭露身後風流陌上花已作遲遲君去  
魯獨歌緩緩妾迴家

九日舟中望見有美堂上魯少卿飲處以詩  
戲之二首

拍點雲間數點紅笙歌正擁紫髯翁誰知愛酒龍山  
客却在漁舟一葉中

西閣珠簾卷落暉水沉煙斷佩聲微遙知通德淒涼甚擁髻無言怨未歸

金門寺中見李留臺與二錢惟演唱和四絕

句戲用其韻跋之

帝城春日帽簷斜二陸初來尚憶家未肯將鹽下尊菜已應知雪似揚花

生平賀老慣乘舟騎馬風前怕打頭欲問君王乞符

竹但憂無蟹有監州

皆世所傳錢氏故事

西臺妙迹繼揚風或無限龍蛇洛寺中一紙清詩吊興廢塵埃零落梵王宮

五季文章隨劫灰升平格力未全回故知前輩宗徐庾數首風流似玉臺

書雙竹湛師房

我本江湖一釣舟意嫌高屋冷颼颼羨師此室繞方丈一炷清香盡日留

暮鼓朝鐘自擊撞閉門孤枕對殘缸白交旋撥通紅火卧聽蕭蕭雪一作打牕

和述古冬日牡丹四首

一朵妖紅翠欲流春光回照雪霜羞化工只欲呈新巧不放閑花得少休

花開時節雨連風却向霜餘染爛紅漏泄春光私一物此心未信出天工

當時只道鶴林仙能遣秋花發杜鵑誰信詩能迴造化直教霜拚放春妍

不分清霜入小園故將詩律變寒暄使君欲見藍關詠更倩韓郎為染根

弔天竺寶月辯師三首

欲尋遺跡強沾裳本自無生可得亡今夜生公講堂月滿庭依舊冷如霜

生死猶如臂屈伸情鍾我輩一酸辛樂天不是蓬萊

客憑仗西方作主人

欲訪浮雲起滅因無緣却見夢中身安心好住王文度此理何須更問人

柳氏二外甥求筆迹二首

退筆成山未足珍讀書萬卷始通神君家自有元和脚莫厭家鷄更問人

一紙行書兩絕詩遂良須鬢已如成一作絲何當火急傳家法欲見懸誠筆諫時

錢道人有詩云直須認取主人翁作兩絕戲之首斷故應無斷者冰消那復有冰知主人若苦令儂



認認主人人竟是誰

有主還須更有賓不如無鏡自無塵只從半夜安心  
後失却當年覺痛人

成都進士杜暹伯升出家名法通往來吳中

欲識當年杜伯升飄然雲水一孤僧若教俯首隨韉

鎖料得如今似我能折子玉云通若及第不過似我

監洞霄宮俞康直郎中所居四詠

退圃

百丈休牽上瀨舟一鉤歸釣縮頭魚園中草木春無

數只有黃楊厄閨年俗說黃楊歲長一寸過閨退三寸

逸堂

新第誰來作並鄰舊官寧復憶星辰請君置酒吾當

賀誰向江湖拜散人

遊軒

冠蓋相望起隱淪先生那得老江村古來真遊何曾

遊笑殺踰垣與閉門

遠樓

西山煙雨卷疎簾北戶星河落短簷不獨江天解空

闊地偏心遠似陶潛

次韻沈長官三首

家山何在兩忘歸  
杯酒相逢慎勿違  
不獨飯山嘲我瘦  
也應糠覈恠君肥

男婚已畢女將歸  
累盡身輕志莫違  
誰聞一作道山中  
食無肉玉池清水自生肥

造物知吾久念歸  
似怜衰病不相違  
風來震澤帆初飽  
雨入松江水漸肥

戲書吳江三賢畫像三首

誰將射御教吳兒  
長笑申公為夏姬  
却遣姑蘇有麋鹿  
更怜夫子得西施

范蠡

污世功勞食與眠  
季鷹真得水中仙  
不須更說知機

早直為鱸魚也自賢

張翰

千首文章二頃田  
囊中未有一錢看  
却因養得能言

鴨驚破王孫金彈丸

陸龜蒙

回先生過湖州東林沈氏飲醉以石榴皮書  
其家東老庵之壁云西隣已富憂不足東老  
雖貧樂有餘白酒釀來因好客黃金散盡為  
收書西蜀和仲聞而次其韻三首東老沈氏  
之老自謂也湖人因以名之其子偕作詩有  
可觀者

世俗何知貧是病  
神仙可學道之餘  
但知白酒留佳

客不問黃公覓素書

符離道士晨興際華岳先生屍解餘忽見黃庭丹篆  
句猶傳青紙小朱書

淒涼雨露三年後鬢髯塵埃六數字餘至用榴皮緣底  
事中書君豈不中書

李行中秀才醉眠亭三首

已向閑中作地仙更於酒裏得天全從教世路風波  
惡賀監偏工水底眠

君且歸休我欲眠人言此語出天然醉中對客眠何  
害須信陶潛未苦賢

孝先風味也堪憐肯為周公盡日眠枕麪先生猶笑  
汝枉將空腹貯遺編

單同年求德興俞氏聚遠樓三首

雲山煙水苦難親野草幽花各自春賴有高樓能聚  
遠一時收拾與閑人

無限青山散不收雲奔浪卷入簾鉤直將眼力為疆  
界何啻人間萬戶侯

聞說樓居似地仙不知門外有塵寰幽人隱几寂無  
語心在飛鴻滅沒間

次韻孫巨源寄漣水李盛二著作并以見寄

五絕

南岳諸劉豈易逢相望無復馬牛風山翁雖見無多

子社燕何由戀塞鴻昔與巨源關惟巨源近者復相

京口

高才晚歲終難進勇退當年正急流不獨二疎為可

慕他時當有景孫樓巨源近疎樓東海

漱石先生難可意謂巨源齧齧校尉久無朋謂李君也應知客

路愁無奈故遣吟詩調李陵

雲雨休排神女車忠州老病畏人誇詩豪正值安仁

在空看河陽滿縣花感為

膠西未到吾能說桑柘禾麻不見春不羨京塵騎馬

客羨他淮月弄舟人

王莽

漢家殊未識經綸入手功名事事新百尺穿成連夜

井千金購得解飛人

董卓

公業平時勸用儒諸公何事起相圖只言天下無健

者豈信車中有布乎

送趙寺丞寄陳海州

景疎樓上喚蛾眉君到應先誦此詩若見孟公投轄

飲莫忘衝雪送君時

答陳述古二首

謾說山東第二州棗林桑泊負春遊城西亦有紅千  
葉人老簪花却自羞

小桃破萼未勝春羅綺叢中第一人聞道使二歸去

後舞衫歌扇總生塵陳有古稱之妓

和張子野見寄三絕

前生我已到杭州到處長如到舊遊便欲洞霄為隱  
吏一庵閑地且相留趙蕪

狂吟跌宕無風雅醉墨淋漓不整齊應為詩人二回

願山僧未忍掃黃泥觀題

栢堂南畔竹如雲此閣何人是主人但遣先生披鶴

氅不須更畫樂天真竹閣見意

和又與可洋川園池三十首

湖橋

朱欄畫柱照湖明白葛烏紗曳履行橋下龜魚晚無  
數識君拄杖過橋聲

橫湖

貪看翠蓋擁紅粧不覺湖邊一夜霜卷却天機雲錦  
段從教匹練馬秋光

書軒

雨昏石硯寒雲色風動牙籤亂葉聲庭下已生書帶  
草使君疑是鄭康成

冰池

不嫌冰雪遶池看誰似詩人巧耐寒記取羲之洗硯  
處碧琉璃下黑蛟蟠

竹塢

晚節先生道轉孤歲寒惟有竹相娛粗才杜牧直堪  
笑喚作軍中十萬夫

荻浦

兩折霜乾不耐秋白花黃葉使人愁月明小艇湖邊  
宿便是江南鸚鵡洲

蓼嶼

秋歸南浦蟪蛄鳴霜落橫湖沙水清卧雨幽花無限  
思抱叢寒蝶不勝情

望雲樓

陰晴朝暮幾回新已向虛空付此身出本無心歸亦  
好白雲還似望雲人

天漢臺

漾水東流舊見經銀潢左界上通靈此臺試向天文

覓閣道中間第幾星

待月臺

月與高人本有期  
挂簷低戶映蛾眉  
只從昨夜十分滿  
漸覺冰輪出海遲

二樂榭

此間真趣豈容談  
二樂并君已是三  
仁智更須訶妄見  
坐令魯叟作瞿曇

來詩云二見因妄生

灑泉亭

聞道池亭勝兩川  
應須爛醉答雲煙  
勸君多種長腰米  
消破亭中萬斛泉

吏隱亭

縱橫憂患滿人間  
頗恠先生日日閑  
昨夜清風眠北牖  
朝來爽氣在西山

霜筠亭

解箨新篁不自持  
婢娟已有歲寒姿  
要三看凜凜霜前意  
須待秋風粉落時

無言亭

慇懃稽首維摩誥  
敢問如何是法門  
彈指未終千偈了  
向人還道本無言

香露亭

亭下佳人錦繡衣  
滿身瓔珞綴明珠  
晚香消歇無尋處  
花已飄零露已晞

涵虛亭

水軒花榭兩爭妍  
秋月春風各自偏  
惟有此亭無一物  
坐觀萬景得天全

溪光亭

決去湖波尚有情  
却隨初日動無聲  
溪光自古無人畫  
憑仗新詩與寫成

過溪亭

身輕步穩去忘歸  
四望亭前野竹微  
忽悟過溪還一

笑水禽驚落翠  
毛衣

披錦亭

煙紅露綠曉風香  
燕舞鶯啼春日長  
誰道使君貧日老  
繡幃錦障咽笙簧

楔亭

曲池流水細鱗鱗  
高會傳觴似洛濱  
紅粉翠娥應不要  
畫舫來往勝於人

齒蒼亭

日日移床趁下風  
清香不盡思無何  
窮若為化作龜  
千歲巢向田田亂  
萬一作葉中



茶蘼洞

長憶故山寒食之夜野茶蘼發暗香來分無素手簪羅  
髻且折霜蕤浸玉醅

筍簞分

漢川脩竹賤如蓬迂斤斧何曾赦擇龍料得清貧饒太  
守渭濱千畝在田月中

寒蘆港

溶溶晴港漾春暉蘆筍生時柳絮飛還有江南風物  
否桃花流水紫魚肥

野人廬

少年辛苦事犁鉏剛厭青山遶故居老覺華堂無意  
味却須時到野人廬

此君庵

寄語庵前抱節君與君到處合相親寫真雖是文夫  
子我亦真堂作記人

金橙徑

金橙縱復里人知不見鱸魚價自低須是松江煙雨  
裏小舡燒薤擣香薷

南園

不種天桃與綠楊使君應恐欲候農桑春畦雨過羅紈

膩夏墮風來餅餌香

北園

漢水巴山樂有餘一麾從此首歸塗北園草木憑君問許我他年作主無

和孔密州五絕

見邸家園留題

大旆傳聞載酒過小詩未忍著塲磨陽關三疊君須祕除却膠西不解歌城來詩有渭之句

春步西園見寄

歲歲開園成故事年年行樂不辜春今年太守尤難

繼慈愛聰明惠利人

春欄梨花

梨花淡白柳深青柳絮飛時花滿城惆悵東欄一株雪人生看得幾清明

和流盃石上草書小詩

蜂腰鶴膝朝希逸春蚓秋蛇病子雲醉裏自書醒自笑如今二絕更逢君

堂後白牡丹

城西千葉豈不好笑舞春風醉臉丹何似後堂冰玉潔遊蜂飛絮非一作不相干孔頗有聲妓而客無見者

子由將赴南都與予會宿於逍遙堂作兩絕  
句讀之殆不可為懷因和其詩以自解予觀  
子由自少曠達天資近道又得至人養生長  
年之訣而予亦竊聞其一二以為今者官遊  
相別之日淺而異時退休相從之日長既以  
自解且以慰子由云

別期漸近不堪聞風雨瀟瀟已斷魂猶勝相逢不相  
識形容變盡語音存  
但令朱雀長金花此別還同一轉車五百年間誰復  
在會看銅狄兩咨嗟

和孔周翰二絕

再觀邨園留題

小園香霧曉蒙籠醉守狂詞未必工魯叟錄詩應有  
取曲收彤管邨風

觀淨觀堂效韋蘇州詩

弱羽巢林在一枝幽人蝸舍兩相宜樂天長短三千  
首却愛韋郎五字詩

元日次韻張先子野見和七夕寄莘老之作

得句牛女夕轉頭參尾中青春先入眼白髮不遺窮  
酒社我為敵詩壇子贊一作功縮頭先夏鼈峴子實

腹鄙秋虫莫唱裙垂綠無人臉斷紅舊交懷賀老新  
進謝終童袍鷓雙雙瑞腰犀一一通小蠻知在否試  
問嘒嘒翁

蘇文忠公集卷第二十六

蘇文忠公集卷第二十七

律詩絕句一百八十九首

次韻景文山堂聽箏三首

忽憶韓公二妙姝琵琶爭韻落空無猶勝江左狂靈  
運空闔東昏百草須

又

馬上胡琴塞上姝鄭中丞後有人無詩成畫燭飄金  
燼八尺英公欲燎須

又

荻花楓葉憶秦姝切切公絃細欲無莫把胡琴挑醉

客回看霜戟褚公須

成伯家宴造坐無由輒欲效顰而酒已盡入  
夜不欲煩擾戲作小詩求數酌而已

道士令嚴難繼和僧伽帽小却空廻隔籬不喚鄰翁

飲抱瓮須防吏部來道土令悅神樂中所謂離而復

隔籬呼取  
盡餘盃

成伯席上贈所出妓川人楊姐

坐來真个好相宜深注唇兒淺畫眉須信楊家佳麗  
種洛川自有浴妃池

又荅種帳

卧病經旬減帶圍清樽忘却故人期莫嫌雪裏閑種  
帳作事猶來未合時

往年宿瓜步夢中得小詩錄示民師

吳塞薰葭空碧海隋宮楊柳只金堤春風自恨無情  
水吹得東流竟日西

僕少好種松過泗上與杜子師行山中子師  
求余種松法欲之都梁山中戲作二絕

露宿泥行草棘中十年春雨養髯龍如今尺五城南  
杜欲問東坡學種松

又

君方掃雪收松子我已咄用榛得茯苓為問如何挿楊柳明年飛絮作浮萍

送范德孺

漸覺東風料峭寒青蒿黃韭試春盤遙想慶州千嶂裏暮雲衰草雪漫漫

陸蓮庵

何妨紅粉唱迎仙來伴山僧到處禪陸地生花安足恠而今更有火中蓮

余昔通守錢塘以秋蒞膠西以九月二十日來別南北山道友人復忝郡寄以三月九日被

首赴闕復辭天竺觀音凡十八年感歎之餘作三絕留示慈辨陳公

昔年衫鬢兩青青強說重臨慰別情衰髮只今無可白改應相對話平生

又

出處依稀似樂天敢將衰朽一作老較前賢便從洛社休官去猶得閑居二十年

又

到郡依前六百日山中不記幾回來聊將天竺一峯去夢托雲根到處栽

中秋

暮雲收盡溢清寒銀漢無聲轉玉盤此生此夜不長好明月明年何處看

僕年三十九在潤州道上過除夜作此詩又二十年在惠州錄之以付過

寺官官小未朝參紅日半窗春睡酣為報鄰雞莫驚覺更容殘夢到江南

釣艇歸時菖葉雨綠車鳴處棟花風長江昔日經遊地盡在如今夢寐中

壽陽岸下二首

街東街西翠幄成池南池北綠錢生幽人獨來帶殘

酒

一作雨

偶聽

一作聞

黃鸝第一聲

又

澹月傾雲曉角哀小風吹水碧鱗開此生定向江湖老默數淮中十往來

戲荅王都尉傳柑

侍史傳柑玉座傍人間草土不盡天將漿寄與維摩三十

顆不知蒼蠅是餘香

舉輕四力重維摩禪二十枝

萬州太守高公宿公遊岑公洞而夜雨連明

戲贈二小詩

肩輿欲到岑公洞正怯衝泥傍險行定是岑公闕清  
境春江一夜雨連明  
蓬窓高枕雨如繩恰似糟心不壓酒聲今日岑公不能  
飲吾儕猶健可頻傾

遊中峯盃泉

石眼盃泉舉世無要知杯上皮是凡夫可伶狡獪維摩  
老戲取江湖入鉢盃

懋寂圖

東坡雖是湖州派竹石風流各一時前世畫師今姓  
李不妨還作輞川詩

送柳宜歸

折脚鐺邊煨淡粥曲枝桑下飲離盃書生不是南遷  
客矚魅驚人須早回

寒具

乃饅頭語出

纖手搓來玉數尋碧油輕蘸嫩黃深夜來春睡濃於  
酒壓福佳人纏臂金

叅寥惠揚梅

新居未換一根椽只有揚梅不直錢莫共金家鬪甘  
苦叅寥不是老婆禪

題溪山遠景圖



山人昔與雲俱出俗駕今隨水不回  
賴有曾中與佳處一搏時對畫圖開

乞越州書謝公卷三首

乞郡三章字半斜廟堂傳笑眼昏花  
上人問我遲留意待賜頭綱八餅茶

夢遶吳山曉月廊白梅黃橘覺猶香  
會稽且作須臾

予意一作從此歸田策最長

東南此去幾時歸倦鳥孤飛一作豈有期斷送一生  
消底物三年光景六篇詩

雨夜宿淨行院

芒鞋不踏利名場一葉輕一作舟寄渺茫林下對床  
聽夜雨靜無燈火照淒涼

畫車二首

何人畫此隻輪車便是當年歌器圖  
上易下難須審細左提右挈免踈虞

九衢歌舞頌正明誰側寒泉獨自清  
賴有千車能救旱化為膏雨滿重城

送惠州監押

一聲鳴一作鴈破江雲萬葉梧桐卷露銀我自飄零  
是羈旅更堪秋晚送行人

過黎君郊居

半園荒草沒佳蔬  
煮得占禾半是藟  
萬事思量都是  
錯不如還叩仲尼居

贈王觀

何人生得寧馨子  
今夜初逢掣筆郎  
莫怪圍碁忘瓜  
葛已能作賦繼靈光

太夫人以无咎生日置酒書壁一絕

壽樽餘瀝到朋簪  
要與郎君夜語深  
敢問阿婆開後  
閣井中車轄任浮沉

余舊在錢塘伯固開西湖今方請越戲謂伯

固可復來開鏡湖伯固有詩因次其韻

已分江湖送此生  
會稽行復得岑成  
鏡湖席卷八百  
里坐嘯因君又得名

召伯梵行寺山茶

山茶相對阿本一作誰裁  
細雨無人我獨來  
說似與君君不會  
一作爛紅如火雪中開

奉和成伯兼戲禹功

金錢石竹道傍秋  
翠黛紅裙馬上謳  
無限小兒齊拍手  
山公又作習池遊

題澄邁驛通橋閣二首

倦客愁聞歸路遙  
眼明飛閣俯長橋  
貪看白鷺橫秋浦  
不覺青林沒晚潮

餘生欲老海南村  
帝遣巫陽招客我一作魂  
海闊一作香香  
天低鷗沒處  
青山一髮是中原

### 洗兒

人皆養子望聰明  
我被聰明誤一生  
惟願孩兒愚且魯  
無災無難到公卿

### 病後醉中

病為兀兀安身物  
酒作蓬蓬入腦聲  
堪笑錢塘十萬戶  
已不付與老書生

劉監倉家煎米粉作餅子  
余云為甚酥  
潘邠老家造  
逡巡酒余飲之莫作醋  
錯著水采否  
後數日余携家飲郊外  
因作小詩戲劉公求之二首

一杯連坐兩髯甚  
數片深紅入座飛  
十分澹灑君休

訴且看桃花好面皮唐詩云未有桃花面皮先作杏子眼孔

野飲花間百物無  
杖頭惟挂一葫蘆  
已傾潘子錯著水  
更覓君家為甚酥

### 夢中絕句

楸樹高花欲挿天  
暖風遲日正茫然  
落英滿地君方

見惆悵春光又一年

元翰少卿寵惠谷簾水一器龍團二枚仍以

新詩為貺歎味不已次韻奉和

巖垂足練千絲落雷起雙龍萬物春此水此茶俱第

一共成三絕景中人

山茶

游蜂掠盡粉絲黃落蕊猶收蜜露香但得春風幾枝

在年來殺菽有飛霜

藏春塢三首

退之身外無窮事子美生前有盡花更有多情君未

識不隨柳絮落人家

莫尋群玉峯頭路莫看玄都觀裏花但解閉門留我

住主人休問是誰家

朱閣前頭露井多碧桃枝下美人過寒泉未必能如

此奈有銀床素綆何

謝都事惠米

平生忍慾今忍貧開口逢人不少陳俸薄身輕趙都

事也能作意向詩人

擷菜

吾借王參軍地種菜不及半畝而吾與過子終年

飽菜夜半飲醉無以解酒輒擷菜煮之味含土膏  
氣飽風露雖梁肉不能及也人生須底物而更貪  
耶乃作四句

秋來霜露滿東園蘆葍生兒芥有孫我與何曾同一  
飽不知何苦食雞豚

別公擇

黍離不復閔宗周何暇雷塘吊一丘若問西來祖師  
意竹西歌吹是揚州

絕句

春來濯濯江邊柳秋後離離湖上花不羨千金買歌

舞一篇珠玉是生涯

書寄韻

已將鏡鉢投諸地喜見蒼顏白髮新歷數三朝軒冕  
客色聲誰是獨完人

遊靈隱寺戲贈開軒李居士

推倒垣墻也不難一軒復作兩軒看若教從此成千  
里巧歷如今也被漫

常州太平寺蒼蘆直

六花蒼蘆林間佛九節菖蒲石上仙何似東坡鐵柱  
杖一時驚起野狐禪

儋耳一絕

總角離家三小童口吹蕙葉送迎翁莫作天涯萬里  
意溪邊自有舞雩風

宿建封寺

嶺海東南月窟西功成天已錫玄圭此方定是神仙  
宅禹亦東來隱會稽

過文覺顯公房

獺斑碎玉養菖蒲一勺清白不滿石盃淨几明窓書小  
楷便同爾雅注虫魚

惠州靈惠院壁間書五一仰面向天醉僧云是

蜀僧隱巖所作題詩於其下

直視無前氣吐虹五湖三島在胸中相逢莫恠不相  
揖只見山僧不見公

同狀元行老學士秉道先輩遊太平寺淨土  
院觀牡丹中有淡黃一朵特奇為作

醉中眼纈自獺斑天雨曼陀照玉盤一乃淡黃一作黃  
微拂掠鞞紅魏紫不須看

此君軒

雲幢煙節十洲七州人犀甲檀槍百萬軍藟蒼蒼發生  
何足道一作數此君真是此君君

觀子羨病中作嗟嘆不足因次韻

百尺長松澗下摧知君此意為誰來霜枝半折孤根  
出尚有狂風急雨催

謁敦詩先生因留一絕

凜凜人言君似雪我言凜凜雪如君時人盡恠蘇司  
業不解將錢與廣文

余將赴文登過廣陵而擇老移住石塔相送

竹西亭下留詩為別

竹西失却上方老石塔還逢惠照師我亦化身東海  
去姓名莫遣世人知

次韻寄穎叔

玉關不用一丸泥自有長城鳥鼠西剩與故人尋上

物鵬槽紅糝一作寄馳蹄

絕句三首

松栢蕭森溪水南道人只作兩團庵市區收罷豚魚  
稅來與彌陀共一龕

此身分付一蒲團靜對蕭蕭竹數竿偶為老僧煎茗  
粥自携筒緹汲清泉

天風吹月入闌干烏鵲無聲夜向闌織女明星來枕  
上乃知身不在人間

呈定國

舊病應逢醫口藥新粧漸畫入時眉  
信知詩是窮人近覺王郎不作詩

絕句二首

峩峩疊石立何孤  
賴有蕭蕭翠竹俱  
日暮無人鷗鳥散  
空留遠水伴寒蘆

漠漠秋高露氣清新  
蒲倚石近溪生  
夜來雨後西風急  
靜向窓前似有聲

金山夢中作

江東賈客木綿裘  
會散金山月滿樓  
半夜潮來風又

熟卧吹簫管到揚州

破琴詩後

余作破琴詩求得宋復古畫邢和璞於柳仲遠仲遠以此本託王晉卿臨寫為短軸名為邢房悟前生圖作詩題其上

此身何處不堪為  
逆旅浮雲自不知  
偶見一張閑故紙  
便疑身是永禪師

送柳子玉至靈壘山

世事方艱便猛迴  
此心未老已先灰  
何時夢入真君殿  
也學傳呼觀主來



次韻章子厚飛英留題

款段曾陪馬少游而今人在鳳麟洲黃公酒肆如重  
過杳杳白蘋天盡頭

贈江州景德長老

白足高僧解達觀安排春事滿幽欄不須天女來相  
試揔把空花眼裏看

雜詩二首

窓搖細浪魚吹沫一作手弄黃花蝶遠一作衣不覺

春風吹酒醒空教明月照人歸

昔日雙鷗照淺眉如今婀娜綠雲垂蓬萊老守明朝

去腸斷簾間蟋蟀悲

元祐癸酉八月二十七日於建隆章淨館書

贈玉觀

海上東風犯雪來鴈前先拆鏡湖梅遙思禁苑青春  
夜坐待宮人畫詔回

元祐元年二月八日朝退獨在起居院讀漢

書儒林傳感申公故事作小詩一絕

寂寞申公謝客時自言已見穆生幾縮臧下吏明堂  
廢又作龍鍾病免歸

會飲竹間亭

一士千金未易償我從陳趙兩歐陽舉鞭拍手笑山  
簡只有并州一葛強

聞捷

元豐四年十月二十二日謁王文公齊愈於江南  
坐上得陳季常書報是月四日种諤領兵深入破  
殺西夏六萬餘人獲馬五千匹衆喜拊各飲一巨  
觥

聞說將軍取乞聞將軍旗鼓捷如神故知無定河邊  
却得共中原雪紫春

柿葉滿庭紅顆秋薰爐沉水度春篝松風夢與故人  
遇自駕飛鴻跨九州

秋思寄子由

黃葉山川知晚秋小蟲催女獻功裘老松閱世卧雲  
壑挽著蒼江無萬牛

碣石庵戲贈湛庵主

相國寺僧也

保康橋上夜觀燈碣石巖前夏飲冰莫把山林笑朝  
市老夫手裏有烏藤

散郎亭

法花下有散郎亭老樹蒼崖如有情歡戚已隨時事

去壁間只有古人名

侯灘

江邊皎皎過侯灘更上山腰看打盤百歲老兒親擊鼓城中憂患不相干

和西溪梅二首

千花未分出梅餘遣雪摧殘計已踈卧聞點滴如秋雨知是東風為掃除

閨苑千葩映玉宸人間只有此花新飛英要欲先桃李散作千林火迫春

蹀躞嬌黃不受鞮東風暗與色香歸偶逢白墮辜春

酒造入王孫玉宇飛

次韻德麟西湖新成

壺中春色酒

一作飲

中仙騎鶴東來獨憮

一作憮

然惟有

趙陳如李郭不妨同泛過湖船

春夜

春宵一刻直千金花有清香月有陰歌管樓臺聲細細鞦韆院落夜深深

火星巖

火星巖下石凌壁閣上相心止一僧莫問人間興廢事門前流水几前燈

讀開元天寶遺事三首

姚宋亡來事事興，一官銖重萬人輕。  
朔方老將風流在，不取西蕃石堡城。

潭裏春船百倍多，廣陵銅器越溪羅。  
三郎官爵如泥土，爭唱弘農得寶歌。

琵琶絃急袞梁州，羯鼓聲高舞臂鞦。  
破費八姨三百萬，大唐天子要纏頭。

過泗上喜見張嘉父二首

眉間水玉照淮明，筆下波瀾老欲平。  
直得全生如許妙，不知形謀已多名。

空翠娛人意，自還明窓一榻共。  
秋閑會知名利不到處，定把清觴屬此山。

謝惠猫兒頭笋

長沙一日煨蘆筍，鸚鵡洲前人未知。  
走送煩公助湯餅，猫兒突兀鼠穿籬。

題淨因壁

暝倚蒲團卧鉢囊，半窓疎箔度微涼。  
蕉心不展待時雨，葵葉為誰傾夕陽。

同景文詠蓮塘

塘上鈎簾對晚香，不知斜日已侵床。  
江妃自借凌波

鞭長在高荷扇影涼

睡起

食罷茶甌未要深清風一榻直千金腹搖鼻息庭花落還盡平生未足心

臂病在告作一絕

小閣低窓卧晏温了然非默亦非言維摩非示一作病  
吾真病誰識東坡不二門

書望洪亭壁

河漲平來出舊洪山城都在水声中忽然歸壑無尋

處千里香林下半空

子美召公擇飲偶以病不及往公擇有詩次

韻

樊素阿蠻皆已出使君應作玉笋歌可憐病士西窓  
下一夜丹田手自摩

和參寥

芥舟只合在坳堂紙帳心期老孟光不道山人今忽  
去曉猿啼處月茫茫

醉題信老方丈

鶴作精神松作筋堦庭蘭玉一時春願君且住三千  
歲長與東坡作主人

常州太平寺觀牡丹

武林千葉照觀空，別後湖山幾信風。  
自笑眼花紅綠眩，還將白首看鞋紅。

竹枝詞

自過鬼門關，外天命同人。  
鮓瓮頭船北，人墮淚南人。  
笑青嶂無梯，問杜鵑。

寄歐叔弼

昔葬衣冠今在否，近來消息不須疑。  
曾聞圯上逢黃石，久矣留侯不見欺。

題淨因院

門外黃塵不見山，个中草木亦常閑。  
屋簷聲如渡薄水，過催粥華鯨吼夜闌。

余前後守倅餘杭五年，夏秋之間蒸熱不可  
過，獨中和堂南頰下瞰海門洞，視萬里三伏  
常蕭然也。紹聖元年六月舟行，赴嶺外，熟甚  
忽憶此處而作是詩。

忠孝王家下柱宮，東坡作吏五年中。  
中和堂上東南頰，獨有人間萬里風。

宿建封寺曉登盡善亭望韶石二首

雙闕浮空照短亭，至今猿鳥淚青荧。  
君王自此西巡

狩再使魚龍舞洞庭  
蜀人文賦楚人詞  
堯在崇山舜九疑  
聖主若非真得道  
南來萬里亦何為

次韻子由贈吳子野二首

馬迹車輪滿四方  
若為閉着小茅堂  
仙心欲捉左元放  
癡絕還同顧長康

江令蒼苔園故宅  
謝家語燕集華堂  
生笑說江南事  
只有青山遶建康

絕句

栽桑春晚思依依  
屋角鳴鳩雨欲飛  
昨日已收寒食

火吹花風起却添衣

和黃龍清老三首

萬山不隔中秋月  
一鴈能傳寄遠書  
深密伽陀拈戰筆  
真誠相見問何如

屋前微攬星宿落  
月下梳挪羽扇開  
靜嘿堂中有相憶  
清江或遣化人來

騎驢覓驢真可笑  
以馬喻馬亦成癡  
一天月色為誰好  
二老風流各自知

過土山寨

南風日日縱蒿撐  
時喜北風將我行  
湯餅一杯銀線

亂蔓高如筋玉簪橫

書辨才白雲堂壁

不辭清曉叩松扉却值支公久不歸山鳥不鳴天欲  
雪春簾惟見白雲飛

次韻子由使契丹至涿州見寄四首

老人癡鈍已逃寒子復辭行理亦難要到盧龍看古

塞投文易水吊燕丹余昔年辭免使北

胡羊代馬得安眠窮髮之南共一天又見子卿持漢

節遙知遺老泣山前

龜龜年來亦甚都時時與子由入京舌問三蘇時北使已問所

在後秦館伴北使湖屢誦三蘇之文章那知老病渾無用欲問君王乞鏡

湖

始憶庚寅降屈原旋看蠟鳳戲僧虔隨翁萬里心如

鐵此子何勞為買田時猶子遲侍行

慶州八境圖

南康八境圖者太守孔君之所作也君既作石城

即其城上樓觀臺榭之所見者而作是詩也東望

七閩南望五嶺覽群山之參差俯章巖之奔流雲

煙出沒草木蕃麗邑屋相望犬之聲相聞觀斯

圖也可以茫然而思粲然而生慨然而歎也蘇子



曰此南康之一境也何從而八乎所自觀之者異也且子不見夫日乎其旦如盤其中如珠其夕如破壁此豈三日也哉苟知夫一之為八也則凡寒暑朝夕雨暘海明之異坐作行立哀樂喜怒之變接於吾目而感於吾心者有不可勝數者矣豈特八乎如知夫八之出乎一也則天四海之外恢詭譎怪禹貢之所書鄒衍之所談以相如之所賦雖至千萬未有不一者也後之君子必將有感於斯焉乃作詩八章題之圖上云

坐看奔湍遶石樓使君高會百無憂三犀竊鄙秦太

守八詠聊同沈隱侯

濤頭寂寞打城還章簷臺前暮靄寒倦客登臨無限思孤雲落日是長安

白鷁樓前翠作堆紫雲垂鎖路若為開故人應在千山外不寄梅花遠信來

朱樓深處日微明皂蓋歸時酒半醒薄暮漁樵人去盡  
盡泊石溪青嶂遠螺亭

使君那暇日參禪一望叢林一悵然成佛莫教靈運後著鞭從使祖生先

却從塵外望塵中無限樓臺煙雨濛山水照人迷向

背只尋孤塔認西東

雲煙縹緲鬱孤臺積翠浮空雨半開想見之於觀海

市終宮明滅是蓬萊

回峯亂嶂鬱參差雲外高人世得知誰向空山弄明

月山中木客解吟詩

寒食日荅公擇三絕次韻

從來蘇李得名雙只恐全齊笑陋邦詩似懸河供不

辦故欺張籍隴頭瀧

簿書敲擊鼓不知春佳句相呼賴故人寒食德公方上

冢歸來誰主復誰賓

巡城已困塵埃眯執朴仍遭蟻蝨緣欲脫布衫携素

手試開病眼點黃連

李詩謂僕布衫暫復

陽關詞二首

受降城下紫髯郎戲馬臺南古戰場恨君不取契丹

首金甲牙旗歸故鄉

贈張繼愚

濟南春好雪初晴行到龍山馬足輕使君莫忘雪溪

女時作陽關腸斷聲

荅李公擇

琴詩

若言琴上有琴聲放在匣中何不鳴若言聲在指頭

上何不於君指上聽

續添

送范景仁遊洛中

小人真闇事開退豈公難道大吾何病言深聽者寒  
憂時雖早白住世有還丹得酒相逢樂無心所遇安  
去年行萬里蜀路走千盤後老身彌健登山意未闌  
西游為櫻筍東道盡鷄鶩杖屨推兒去園亭借客看  
折花斑竹寺弄水石樓灘鬻馬衰憐白鷺雷法笑韓  
蘇書標洞府松蓋偃天壇試與劉夫子重尋靖長官  
行宿泗間見徐州張天驥次舊韻

三年三躡過淮舟款段還逢馬少游無事不妨長好  
飲著書自要見窮愁孤松早偃元非病倦鳥雖還豈  
是休更欲河邊幾來往抵今霜雪已蒙頭

表弟程德孺生日

伏下千官散紫庭時聞小語說蘇程長身自昔傳甥  
舅壽骨遙知是弟兄曾活萬人寧望報祗求五畝却  
歸耕四朝遺老凋零盡鶴髮他年幾箇迎

次韻蔣穎叔凝祥池

似知金馬客時夢碧雞坊冰雪銷殘臘煙波寫故鄉  
鳴鑿自容與立馬久回心翔乞與三韓使新圖到樂浪  
韓康公坐上侍兒求書扇

一一窓扉面水開更於何處覓蓬萊  
天香滿袂人知否曾到旃檀小殿來

贈清涼寺和長老

代北初辭沒馬塵江南采見卧雲人  
問禪下契前三語施佛空留丈六身  
老去山林徒夢想雨餘鍾鼓更清新  
會須一洗黃茅瘴未用深巖白氎巾

吳子野絕粒不啜過作詩戲之芝上人陸道士皆和余亦次韻

聊為不死五通仙終了無生一大緣  
獨鶴有聲知半夜老蠶不食已三眠  
憐石解比人間夢許我亦應忘醉

後禪會與江山成故事不妨對酒樂新年

驪山絕句三首

功成雖欲善待盈可嘆前王付太平  
辛苦驪山山下土阿房纔發又華清

幾變雕牆幾變灰舉烽指鹿事悠悠  
太上皇不念前車戒却怨驪山是禍胎

海中方士竟三山萬古明知去不還  
咫尺秦陵是商監朝元何必苦躋攀

重遊終南子由以詩見寄次韻

去年新柳報春回今日殘花盡已紅  
蒼溪上有堂還獨

宿誰人無事肯重來古琴彈罷風吹座山閣醒時月  
照杯顛不作詩君錯料舊道應許過時陪

次韻和子由欲得驪山沉沉硯

舉世爭稱鄴瓦堅一枚不換百金顏豈知好事王元  
子自採臨潼鑪鑪領山經火尚含泉跡暖帶秦應有淚  
痕潛封題寄去吾無用近日從戎擬學班

次韻子由彈琴

琴上遺聲久不彈琴中古意本長存苦心欲氣常透  
舊信新心一箇看痕應有仙人依樹聽空教瘦鶴舞  
風驚翠竹心  
上  
快堂夜時引筆  
猿憶竹軒

和子由種菜久旱不生

新春堦下筍芽生厨裏霜蔬倒舊甕時遶麥田求野  
薺強為僧舍煮山羹園無雨潤何須歎身與時違合  
退耕欲看年華自有處鬢間秋色兩三莖

次韻穆父馬上寄穎叔

多買黃封作洗泥使君來自隴山西才高得免人人  
羨爭欲尋蹤覓舊蹄

寄虎兒

獨倚桄榔樹閑挑蕞撥根謀生看拙否送老此蠻村  
被酒獨行徧至子雲威微先覺四黎之舍

符老風情奈老何朱顏減盡鬢絲多投梭每困東鄰  
女換扇惟逢春夢婆

次韻林子中春日新堤書事見寄

東來寄食似孤雲僕被真成一宿賓收得玉堂揮翰  
手却為淮月弄舟人羨君湖上齋搖碧笑我花時甃  
有塵為報來年殺風景連江夢雨不知春

次韻奉和穆父籍田

竊脂方紀瑞布穀未催耕魚沫依蘋渚蝸涎上綵楹  
江湖來夢寐簞笠負平生琴裏思歸曲因君一再行

次韻王雄州還朝留別

老李威名八十年笠間精悍見遺顏自聞出守風流  
似稍覺承平氣象還但遣詩人歌杖杜不妨侍女唱  
陽關內朝接武知何日白髮羞歸供奉班老李謂真

隰州時知

次韻和子由聞余善射

中朝鸞鷲自振振豈信邊隅事執叢共恠書生能破  
的亦如驍將解論文穿楊自笑非猿臂射隼長思逐  
馬軍觀汝長身最堪學定如髯羽便超羣

和子由岐下二十一詠并引

余既至岐下逾月於其廨宇之北隙地為亭亭前

為橫池長三丈池上為短牆屬之堂分堂之北廈  
為軒窓曲檻俯瞰池上出堂而南為過廊以屬之  
廳廊之兩旁各為一小池三池皆引沂水種蓮養  
魚於其中池邊有桃李杏梨棗櫻桃石榴檉槐松  
檜柳三十餘株又以斗酒易牡丹一叢於亭之北  
子由以詩見寄次韻和答凡二十一首

北亭

誰人築短牆橫絕擁吾堂不作新亭檻幽花誰為香

橫池

明月入我池皎皎鋪紵縞何日變成緇太女吾懶草

短橋

誰能鋪白簟永日卧朱橋樹影欄邊轉波光版底搖

軒窓

東鄰多白楊夜作雨聲急窓下獨無眠秋蟲見燈入

曲檻

流水照朱欄青紅亂明鑑誰見檻上人無言觀物泛

雙池

沂流入城郭疊疊渡千家不見雙池水長漂十里花

荷華

田田抗朝陽節節卧春水平鋪亂萍葉屢動報魚子

魚

湖上移魚子初生不畏人自從識釣餌欲見更無因

牡丹

花好常患稀花多信佳否未有四十枝枝枝大如斗

桃花

爭開不待葉密蕊欲無條傍招人窺鑑驚魚水濺橋

李

不及梨英軟應慙梅萼紅西園有千葉淡佇更纖穠

杏

開花送餘寒結子及新火關中幸無梅汝彊克鼎和

梨

霜降紅梨熟柔柯已不勝未嘗蠲夏渴長見助冬冰

棗

居人幾畝老棗樹未成槎汝長才堪軸吾歸已及瓜

櫻桃

獨遶櫻桃樹酒醒喉肺乾莫除枝上露從向口中溲

石榴

風流意不盡獨自送殘芳色作裙腰染名隨酒盞狂

樗

自昔為神樹空聞蜩鳴社公煩見輟為爾致羊羹



槐

採擷殊未厭忽然已成陰蟬鳴看不見鶴立赴遠深

松

疆致南山樹來經渭水灘生成未有意鴉鵲莫相干

檜

依依古仙子鬱鬱綠毛身每長須成節明年漸庇人

柳

今年手自栽問我何年去他年我復來搖落傷人思

和晁叔

反觀皆自直相詆競誰諛事過始堪笑夢中今了無

珎材尚空谷疲馬正長途未識造化意茫然同一爐

席上代人贈別

蓮子擘開須見憶樹樺着盡更無期破衫却有重逢處一飯何曾忘却時

蘇文忠公集卷第二十七



